

MARTIJN TRADING Y HAGEMEYER CELEBRANDO 50 AÑA CU FABULOSO TRADESHOW

ORANJESTAD (AAN): Durante un Tradeshow hopi special den Ballroom di Marriott Resort den fin di siman cu a pasa, comerciantenan local y invitadonan special a haya un bista mas amplio di loke Martijn Trading y Hagemeyer ta ofrece pueblo di Aruba.

Hagemeyer tin dos negoshi na Aruba, esta "Martijn Trading Company" y "Hagemeyer (Aruba)". E ultimo negoshi aki principalmente ta ocupa su mes cu comercio detaya di productonan consumidor-electronico y aparatonan electrico pa cas.

Martijn Trading ta vende por mayor y ta representa un cantidad grandi di fabricantenan di productonan consumidor. Como 50 trahador Arubano ta procura pa e distribucion y venta di mas di 5.000 diferente producto. Tur dos compania, independiente di otro, a worde estableci na 1945.

HISTORIA CORTICO DI MARTIJN TRADING

E compania aki a worde funda door di e rumannan Ernesto y Guillermo Martijn. Originalmente e compania tabata ser yama tambe E&G Martijn (Aruba) N.V. y na prome instante a worde maneha door di e Haitiano Marc Gouny, for di e oficina den Nassaustraat. Martijn a muda dos biaha den e ultimo 50 añanan, esta na 1956 pa Havenstraat y na 1978 pa e adres actual den Italiestraat.

Tres empresario Hulan-des, esta John Menge, Rudy Thole y Jan Verdaasdonk na 1962 a cumpra e empresa mientras cu ya nan tabata manehe pa varios aña caba. E actividadnan comercial tabata varia for di un agencia di auto frances Citroen te cu benedimento di comestible, medicina, machine di cose y biña Cinzano. Sinembargo esaki tabata e comienzo pa e actual departamento comercial "Food & Beverage" di Martijn, pasobra den añanan 60 e prome agencianan di comestible

di Colgate/Palmolive y Nestlé a worde adkiri. E añanan 70 y 80 bao direccion di Verdaasdonk y Ernie Kervel, por a mira un crecimiento enorme den e Departamento di Food & Beverage, obteniendo representacionnan exclusivo manera Masterfoods (M&M-Mars, Pedigree, Uncle Ben's), Libby's, Scott Papers, McCormick y hopi otro nan mas.

Den añanan 60 e Departamento di Barco y Pasashi di Martijn a worde habri. Na aña 1970 a worde funda un Departamento Tecnico, cu tabata situa na Savaneta, y for di unda tabata worde distribui, pipa, flange/fitting, etc., pa entre otro e refineria di Lago na San Nicolas. Cu ceramento di Lago na 1985, Martijn a haye obliga di stop cu e actividadnan tecnico aki.

Na aña 1980 a cuminsa cu e Departamento Farmaceutico cu awor ta creciendo riba mercado Arubano productonan medicinal y farmaceutico como tambe productonan pa cuida personal bao di e number "Pharma Express". Despues cu Hagemeyer a tumar Martijn over na 1987, e actividadnan comercial di fotografia y di film (Kodak y Polaroid) di Hagemeyer a worde treci na Martijn. Algun aña despues na 1993, a dicidi pa cera e Departamentonan di Barco y Pasashi, ya cu e actividadnan aki no tabata pas directamente cu e regimen di Hagemeyer.

Martijn tin practicamente 100% distribucion riba e isla y constantemente ta tratando pa expande su pakete di productonan.

HISTORIA CORTICO DI HAGEMEYER

Como 50 aña pasa Hagemeyer a habri e tienda na Wilhelminastraat, bao di e number Baardse Trading. Na aña 1963 Hagemeyer a cambia e number pa Hagemeyer (Aruba) N.V. y a muda pa Beaujonstraat.

Na aña 1969 Hagemeyer a habri su establecimiento

Sigui lesa pag. 25



Parti di e bunita set-up cu a ser prepara den Ballroom di Marriott Resort. Como 800 persona a ser invita pa asisti na e evento grandi y hubiloso aki!



Tambe lighter special pa Barbeque y demas producto a acapara atencion....



E seccion di Hagemeyer tambe a haya hopi atencion durante e Tradeshow....

CELEBRACION DI MARTIJN TRADING Y HAGEMEYER

Continuacion di pag. 24

nobo na Fergusonstraat, unda e ta te ainda.

Tur e añanan ey nan a ofrece e Arubianonan e aparatonan electrico pa cas, aircro, televisior y aparato di sonido di mas nobo cu tin.

Door di e nivel halto di servicio y di confianza, durante e periodo largo di 50 aña, na Aruba casi bo no ta haya un cas cu no tin un aparato di Hagemeyer aden.

Ya tin basta tempo caba Hagemeyer ta bendiendo su articulonan di calidad marca Whirlpool y Toshiba riba credito na e pueblo di Aruba.

Tambe Hagemeyer ta bende y duna servicio na clientenan industrial manera esnan encarga cu desaroyo di proyectonan, companianan di construc-

cion, arkitectonan, etc.

TRADESHOW

Den fin di siman e Tradeshow den Marriott Resort tabata habri pa como 800 invitado. Martijn hunto cu Hagemeyer a set-up e lugar profesionalmente y tur hende a haya un bista riba e surtido grandi di producto cu ta ser importa na Aruba.

Tambe a haya chance di mira esnan nobo cu lo yega Aruba, y tambe informacion di productonan cu awor ta cuminsa worde importa door di Martijn.

Riba e combinacion di fotonan aki por mira mas di e fabuloso Tradeshow, y e empleadonan servicial. Hagemeyer y Martijn... pa bien cu boso 50 aña sirbiendo pueblo di Aruba.

MARTIJN TRADING YUDANDO E PROFESIONALNAN DEN FOTOGRAFIA



ORANJESTAD (AAN): Como e agente oficial di Kodak y Polaroid na Aruba, Martijn Trading ta percura pa semper tin den stock e productonan cu mas ta ser pidi door di e profesionalnan. Bo ta haya quimiconan y papelnan Kodak na Martijn Trading. A ser splica na DIARIO tambe cu nan por hasta busca machine di 1-Hour Photo y e accesorionan pa esaki funciona tambe!



Martijn Trading awor ta importa keshi Hulandes tambe, manera por mira aki...



E cerealnan tambe a haya atencion den e Tradeshow...



E empleadonan di feliz di Martijn y Hagemeyer na apertura di e Tradeshow na Marriott.